



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1714**

Q. 120. Quid possint, quoad matrimonialia Archi-diaconi.

**urn:nbn:de:hbz:466:1-42682**

sed per se faciat omnia, non posse exequi litteras Apostolicas ad Vicarium suæ diœcesis directas. Addit seqq. *Krim.* à n. 2213. citatis authoribus, 1. si executio demandetur Ordinario, potest exequi & Episcopus & Vicarius Generalis: item si sit in diœcesi nullius, potest Prælatas habens jurisdictionem quasi Episcopalem, non tamen ejus Vicarius. 2. Si demandetur Episcopo, non potest Vicarius; si Vicario, non potest Episcopus, quamvis Vicarius absit, deponatur, moriatur, quia in his eligitur industria personæ. 3. Si demandetur Vicario sub nomine Vicarii, etiamsi postpositum sit nomen ejus proprium, v. g. *Vicario Coloniensi, Marco Antonio*, poterit exequi successor in Vicariatu, quia demandatio est realis. Si sub præposito nomine proprio Vicarii, v. g. *Marco Antonio Vicario Coloniensi*, solus ipse poterit exequi, etiam amotus ab officio, quia est demandatio personalis. 4. Potest delegatus alteri fide digno committere informationem verificandorum & receptionem testium. Denique notandum posse Episcopum substituere sibi plures Vicarios, *Corrad.* l. 7. c. 4. n. 46.

Q. 120. *Quid possint quoad matrimonialia Archidiaconi*: R. In Archi-Diœcesi Coloniensi sunt quatuor Archidiaconatus majores, quos habent Præpositi, Coloniensis in metropolitana, Bonnenfis, Xantensis, Sufatensis. Hi Archidiaconi putârunt se præter multa alia jus habere, 1. Dispensandi in proclamationibus matrimonialibus. 2. Assistendi aut licentiam concedendi ad assistendum Matrimoniis, cuicumque presbytero sine licentia Parochi. 3. Dandi licentiam ad Matrimonium contrahendum in Oratoriis vel domibus privatis. Contradixerunt Archi-Episcopi, *Ferdinandus* in Synodo anni 1612. & per *Edi-*



Edictum 17. Dec. 1619. ac iterum 1645. Maximilianus in Synodo 1662. & per Edictum 22. Junii 1663. ac iterum 18. Nov. 1675. Josephus Clemens 3. Aprilis 1691. qui etiam publicavit emanatam à S. Congregatione declarationem circa ista, quam confirmavit Papa, prout sequitur.

## ALEXANDER PAPA. VIII.

**A**D futuram rei memoriam aliàs emanavit à Congregatione tunc existentium S. R. E. Cardinalium Concilii Tridentini Interpretum Decretum tenoris qui sequitur, videlicet, Colonienſis Jurisdictionis Propositus 14. Novembris 1676. dubiis infra scribendis, resolutio dilata fuit, prætendentiſus Archidiaconi Jurisdictionem Sacre Congregationis declinantibus, habito autem recurſu ad Signaturam Sanctiſſimi, reſcriptum fuit, causam cognoſcendam in Sacra Congregatione cum voto Rote, ab hac emanavit sub diebus 17. Aprilis 1679. & 29. Martii 1680. votum, conſtare de bono jure, etiam ad effectum maintenance Archiepiscopi Electoris Colonienſis, prout ex Decisionibus, quæ dantur. Proinde nunc Promotor Electoralis, citatâ parte supplicat declarari. Primi. An Archidiaconi eorumve Officiales poſſint diſpenſare in una, aut omnibus denunciationibus matrimonialibus. 2. An poſſint aſſiſtere aut licentiam concedere aſſiſtendi matrimonii cuicumque Presbytero sine licentia Parochi, aut eo reluctante. 3. An item poſſint licentiam dare contrahendi in Oratoris, domibus privatis, Capellis ruralibus, aut in Ecclesiis clausis. Die 27. Julii 1680. Sacra Congregatio Eminentissimorum S. R. E. Cardinalium Concilii Tridentini Interpretum respondit negative in omnibus. J. Cardinalis Columna Præfectus. Loco † Significat A. Altonitus S. C. C. Secretarius. Cùm autem sicut dilectus Filius JOSEPHUS CLEMENS ex Ducibus Bavariæ electus Colonien. S. R. Imperii Princeps



Electo Nobis nuper exponi fecit, ipse Decretum huiusmodi quod firmiter subsistat, Apostolica confirmationis nostre patrocinio communitari plurimum desideret. Nos ipsam JOSEPHUM CLEMENTEM specialibus favoribus & gratis prosequi volentes, & à quibusvis excommunicationis, suspensionis, & interdicti aliisque ecclesiasticis sententiis, censuris & poenis à jure vel ab homine quavis occasione vel causa latis, si quibus quomodo libet innotatus existit, ad effectum praesentium duntaxat consequendum harum serie absolventes, & absolutum fore censentes supplicationibus ejus nomine nobis super hoc humiliter porrectis, Decretum praesentium Auctoritate Apostolica praesentium tenore approbamus, & confirmamus, illique inviolabilis Apostolicae firmitatis robur adjuvamus, salva tamen semper in praemissis auctoritate Congregationis eorundem Cardinalium, decernentes ipsas praesentes litteras semper firmas validas, & efficaces existere, & fore, suosque plenarios & integros effectus sortiri & obtinere & ab illis, ad quos spectat, & spectabit in futurum inviolabiliter observari, sicque in praemissis per quoscunque Judices Ordinarios & Delegatos, etiam causarum Palatii Apostolici Auditores judicari, & definituri debere, ac irritum & inane, si secus super his à quocumque quavis auctoritate, scienter vel ignoranter contigerit attentari. Non obstantibus Constitutionibus & Ordinationibus Apostolicis ceterisque contrariis quibuscunque. Datum Romae apud Sanctam Marianam Majorem sub Annulo Piscatoris die VIII. Aprilis M. DC. XC. Pontificatus Nostri Anno primo.

(L. S.

I. F. Card. Alb.

Q. 121. Quid capitulum sede vacante possit quoad matrimonialia. R. S. 1. Potest per Vicarium suum Capitularem dispensare, uti Jure ordinario poterat Episcopus, nam Capitulum representat defun-

Tom. VIII

Q9

defun-